

Na osnovu Statuta Visoke škole za savremeno poslovanje, informacione tehnologije i tržišne komunikacije „Internacionalna poslovno-informaciona akademija“ Tuzla, Senat donosi:

**PRAVILNIK
o dodjeli Nagrade „Dr Hamza Šarić“**

I. Opšte odredbe

Član 1.

Ovim se Pravilnikom propisuju uslovi, postupak dodjele i oblik Nagrade „Dr Hamza Šarić“ (u daljem tekstu: Nagrada) studentima svih studijskih programa koje koji se izvode na Visokoj školi za savremeno poslovanje, informacione tehnologije i tržišne komunikacije „Internacionalna poslovno-informaciona akademija“ Tuzla (u daljem tekstu: IPI Akademija).

Član 2.

Nagrada se dodjeljuje radi poticanja što boljeg uspjeha studenata i odavanja priznanja njihovoj marljivosti, odgovornosti i izvrsnosti.

Član 4.

Nagrada se dodjeljuje najuspješnijim studentima/studenticama za pokriće plaćanja dijela iznosa školarine za II i III godinu studija tekuće akademske godine na temelju postignutog uspjeha iz prethodne akademske godine.

Za svaku godinu studija iz predhodnog stava dodjeljuje se po dvije nagrade (prva i druga nagrada)

II. Opšti uslovi

Član 5.

Za Nagradu se mogu konkurisati student/studentica koji je:

- do 1. oktobra prošle akademske godine položio ispite iz svih upisanih predmeta u I, odnosno II godini studija.
- koji nije obnavljao upis u bilo koju godinu studija
- koji je postigao prosječnu ocjenu položenih ispita najmanje 9,00

III. Posebni uslovi

Član 6.

Dobitnik prve nagrade na pojedinoj studijskoj godini je onaj student/studentica koji zadovoljava uslove iz člana 5. ovog Pravilnika i koji je postigao najbolju prosječnu ocjenu položenih ispita u ocjenjivanoj godini studija.

Dobitnik druge nagrade na pojedinoj studijskoj godini je onaj student/studentica koji zadovoljava uslove iz člana 5. ovog Pravilnika i koji je postigao drugu najbolju prosječnu ocjenu položenih ispita u ocjenjivanoj godini studija.

U slučaju da istu najbolju prosječnu ocjenu ima više studenata onda se ne dodjeljuje druga nagrada, a iznos nagrade se određuje dijeljenjem predviđenog iznosa za prvu i drugu nagradu s brojem takvih studenata

IV. Postupak dodjele

Član 7.

Konkurs za dodjelu Nagrade raspisuje Direktor IPI Akademije u periodu od 01. novembra do 1. januara tekuće akademske godine.

Konkurs se objavljuje na oglasnoj ploči i web stranici IPI Akademije i ne može trajati kraće od petnaest dana.

Pravo konkurisanja za Nagradu imaju svi studenti IPI Akademije koji udovoljavaju uslovima za dodjelu Nagrade.

Prijave za konkurs podnose se Studentskoj službi IPI Akademije.

Uz prijavu je obvezno priložiti uvjerenje o uspjehu u studiju.

Član 8.

Student kome je dodijeljena Nagrada obavezan je završiti studij na IPI Akademiji.

U slučaju prekida studija na IPI Akademiji vlastitom krivnjom student je obavezan izvršiti povrat nagrade u dodijeljenom iznosu.

Član 9.

Na osnovu zaprimljenih prijava Studentska služba utvrđuje listu uspješnosti za svaku studijsku godinu koja se ocjenjuje i dostavlja je Direktor IPI Akademije.

Za tačnost podataka iz službene evidencije odgovara voditelj Studentske službe.

Član 10.

Odluku o dodjeli Nagrade donosi Direktor IPI akademije u skladu sa članom 5. i 6. ovog Pravilnika, i to najkasnije do 1. februara tekuće akademske godine.

V. Prigovor na odluku

Član 11.

Student koji smatra da je povrijeđeno njegovo pravo na dodjelu Nagrade ima pravo uložiti pismeni prigovor Upravnom odboru IPI Akademije u roku od dva dana od objave odluke na oglasnoj ploči i web stranici IPI Akademije.

Upravni odbor u roku od osam dana od dana prijema prigovora donosi konačnu odluku o Nagradi i o tome izvještava osobu koja je uputila prigovor i Direktora.

VI. Dodjela nagrade

Član 12.

Odluka o dodjeli Nagrade javno se objavljuje na oglasnoj ploči i web stranici IPI Akademije, a nagrađenim studentima uručuje se na posebnoj svečanosti.

Član 13.

Nagrada se sastoji se od pisanog priznanja i pokriva plaćanja dijela školarine.

Prva nagrada iznosi polovinu cijene školarine u tekućoj akademskoj godini.

Druga nagrada iznosi četvrtinu cijene školarine u tekućoj akademskoj godini.

Član 14.

Bilješka o dobivanju Nagrade studentu se onosi se u njegov dosije.

VII. Prijelazne i završne odredbe

Član 15

Ovaj Pravilnik stupa na snagu i primjenjuje se danom objavljivanja na web stranici i oglasnog ploči IPI Akadmije.

Tuzla, 27.09.2017. godine

Predsjenik Senata

Damir Bećirović, MA ekonomije